

## Program Albidayah Wan Nihayah martabatkan bahasa Arab

UB 07.10.2022 P.02

LABUAN: Sektor Pendidikan Islam, Jabatan Pendidikan Wilayah Persekutuan Labuan (JPWPL) menganjurkan Program Al-Bidayah Wan Nihayah peringkat Wilayah Persekutuan Labuan di Universiti Malaysia Sabah Kampus Antarabangsa Labuan (UMSKAL) pada 29 hingga 30 September 2022.

Penyelaras program Zainal Abdul Wahab berkata, seramai 60 peserta yang melibatkan murid dari SSN Sekolah Menengah Kebangsaan (SMK) Mutiara, SMK Ranche-Ranche, Sekolah Menengah Agama (SMA) MAIWP Labuan dan SMK Taman Perumahan Bedaun menyertai program berkenaan.

Katanya, program itu diadakan adalah untuk meningkatkan tahap pencapaian keputusannya Bahasa Arab di peringkat Sijil Pelajaran Malaysia (SPM) 2023 dan memberikan keyakinan kepada semua murid Kelas Aliran Agama bahawa Bahasa Arab adalah satu bahasa yang amat penting untuk dikuasai pada masa kini.

"Pelbagai aktiviti dijalankan sepanjang program ini berlangsung antaranya

lawatan rasmi ke sekitar UMSKAL dan aktiviti berkumpulan," katanya.

Sementara itu, Ketua Penolong Pengarah Sektor Pendidikan Islam Jabatan Pendidikan Labuan Kamariah Salim ketika merasmikan majlis itu menasihatkan semua peserta agar terus istiqamah mempelajari Bahasa Arab demi memartabatkan agama Islam buat warga Wilayah Persekutuan Labuan.

Katanya, semua peserta mestilah mengambil peluang ini dengan memberikan sepenuh tumpuan kepada ceramah yang disampaikan oleh penceramah yang berpengalaman.

"Ucapan tahniah dan syabas buat semua guru Bahasa Arab yang memberikan kerjasama menayakan program kali ini.

"Semoga program ini memberikan impak maksima kepada keputusannya Bahasa Arab SPM 2023 nanti," katanya.

Kamariah turut mengucapkan terima kasih kepada Majlis Agama Islam Wilayah Persekutuan Labuan yang memberikan sumbangan kewangan

menayakan program yang mulia ini.

"Semoga segala jasa baik yang diberikan oleh semua pihak yang terlibat dalam menayakan program ini akan menjadi wasilah dan bekal baik untuk agama, bangsa dan negara," katanya.

Penceramah jempunan dari Sekolah Menengah Kebangsaan Agama (SMKA) Miri Sarawak Mohd Nafirudin Siadid, Guru Bahasa Arab yang berpengalaman luas dalam bidang pentaksiran dan peperiksaan Bahasa Arab SPM menyampaikan Teknik Menjawab Bahasa Arab SPM.

Turut diadakan bengkel pemulihan khas Bahasa Arab diadakan buat murid menengah rendah yang disertai oleh murid dari Kelas Aliran Agama SSN SMK Mutiara, SMK Ranche-Ranche, SMA MAIWP Labuan dan SMK Taman Perumahan Bedaun.

**KENANGAN:** Paratetamu jempunan dan pihak penganjur bersama guru dan peserta Program al-Bidayah Wan Nihayah.



**ANUGERAH:** Pelajar SMK Ranche-Ranche, Muhammad Nur Reezqillah Razak menerima Anugerah Peserta Terbaik Lelaki.



**CERIA:** Keceriaan terpancar di riak air muka Mohd Ikmal Mala, Aswatul Zikrullah Mohd Ayub, Mohd Habibullah Jamri dan Mohd Izzat Jals dari SMK Mutiara.

